

և Կարապետ Գուլագսյանի հետ մեկտեղ Սալմաստից դուրս գալով նորից բռնում է Վանի ճանապարհը:

Աղբակն անցնելուց հետո, Զուխ Գյաղուկ կիրճում, որը Քաշկայեից (Հայդամակնոտ) Վան տանող անցքն էր, Սպիտակ կոշված աղբյուրի մոտ եռակը անակնկալի է բերվում թերևս պատահականորեն այդ կողմերով անցնող թուրքական ոստիկանների մի ջոկատի կողմից և անհավասար մարտում, վիրավորելով երկու ոստիկանի, Գուլոյանն ու Ագրիպասյանը քաշաբար կոշվում ու ընկնում են, իսկ Գուլագսյանին հաջողվում է փախել և խույս տալ հետապնդումից: Ժողովրդի ազատագրման գաղափարին նվիրված հայ-բեռնասեր այս երիտասարդները հայ ազատամարտի ճանապարհին ընկած առաջին նահատակներից էին:

4. ԹՈՒՐԲԱԿԱՆ ԼՍԻ ՏԱԿ ՀԵՏՈՂ ԺՈՂՈՎՈՐԴՆԵՐԻ ՀԱՄԱԳՈՐԾԱԿՑՈՒԹՅԱՆ ԽՆԴԻՐԸ

Արևմտահայ ազգային-ազատագրական շարժման ուղիներում վաղուց էր ձևավորվել թուրքական լծի տակ հեծող մյուս ժողովուրդների հետ համեմարաշխվելու, հատկապես հայ-թուրք-ասորական դաշնակցության գաղափարը: Թուրք ցեղապետների սանձարձակ ասպատակությունները, որոնց մշտապես ենթակա էր արևմտահայությունը, թուրքական իշխանությունների հրահրմամբ հաճախ ոչ միայն խաթարում էին հայ ազատագրական շարժումը, այլև վտանգ սպառնում հայ ժողովրդի ֆիզիկական գոյությունը: Այս հանգամանքն էլ մեծապես նպաստեց հայ-թուրքական դաշնակցության գաղափարի ստեղծմանը:

XIX դարի 70—80-ական թվականներին, որպես Օսմանյան կայսրության հարստահարվող ժողովուրդների, հատկապես հայ, թուրք, ասորի և հույն ժողովուրդների միասնական պայքարի ջատագովներ հանդես եկան Րաֆֆին, Մ. Խրիմյանը, Գ. Սրվանձությանցը, Ա. Թոխմախյանը, Ս. Տեկանցը և շատ ուրիշներ:

Րաֆֆին, որ իր պատմական աշխատություններում իսկ բարձրացնում էր ժամանակի հուզող հարցերը, հետևողականորեն շոշափում էր նաև հայ-ասորական դաշինքի խնդիրը, իսկ «Սամվելում» ուղղակի շեշտում՝ ասորիների հետ համերաշխվելու անհրաժեշտությունը: Ասորիները «...օր մը չէ օր մը հայոց հետ կարող են միանալ զիրենք հարստահարող բռնավորաց դեմ», — ասում էր Տեկանցի հերոսը և նույնիսկ իր ծրագիրն առաջարկում նրանց առաջնորդին⁵⁵:

Վասպուրականում կենտրոնացված էր քրիստոնյա ասորիների 70—80-հազարանոց մի համայնք, որի անդամների մեծ մասը, առաջնորդից սկսած, մշտապես զինված էին: Ասորիների առաջնորդը՝ մարշիմոնը, հասկանում էր քրդերի միջոցով քրիստոնյաներին հայածելու և ոչնչացնելու Բ. Դուան հետին նպատակը, ուստի ինքն էլ, հատկապես նրան ենթակա մեխիթենները, հայ-ասորական, ինչպես նաև հայ-թուրք-ասորական դաշնակցության ջատագով էին, մանավանդ, որ ասորիներն ընդունում էին Կ. Պոլսի հայոց պատրիարքի իրավասությունը՝ միջնորդի ղեկ կատարելու Բ. Դուան և իրենց միջև:

⁵⁵ Տճ՝ Ս. Տեհ-Սարգսենց (Տեկանց), Շահենի Սիպիր, էջ 150—153:

1881 թ. փետրվարի 13-ին Կ. Պոլսի ռուսական դեսպան Նովիկովին գրած զեկուլցում Կ. Կամսարականը հայտնում էր, որ ասորիների առաջնորդները (մեխիբները), որոնք հիմնականում ռուսական կողմնորոշում ունեն, համակարծիք չլինելով իրենց մարշիմոնի առաջարկին՝ թուրքական կառավարության դեմ ապստամբած Օրբյդուլլա⁵⁶ շեյխին օգնելու մասին, զահնկեց անելու սպառնալիքով, պահանջել են նրանից միանալ ոչ թե շեյխին, այլ հայերին և անմիջապես գործնական բանակցություններ սկսել վերջիններիս հետ, իրենց միացյալ ուժերի հետագա գործունեությունն ուղենշելու համար։ Միաժամանակ ասորիները խոստանում էին հայերին՝ անհրաժեշտության դեպքում դուրս բերել մինչև 15 հազար կամավոր, նրանցից պահանջելով միայն 1000 հրացան⁵⁷։

1880 թ. Գարրիկ Նորատունկյանը Գ. Սրվանձտյանցին ուղղած նամակում հայ ժողովրդի համար ամենակարևոր խնդիրը համարում էր քրդերի հետ մերձենալը և սերտ հարաբերություններ հաստատելը⁵⁸։

Միասնական ճակատի ստեղծման ճանապարհին հայ գործիչները, հարկավ, նկատելցին քրդերի հետ միություն կազմելու, թուրքական կառավարության կողմից վարձված նրանց ցեղապետերին իրենց կողմը դրավելու և ընդհանուր ուժերով իշխանության դեմ մարտնչելու անհրաժեշտությունը։ Գ. Սրվանձտյանցի կողմից հայ-քրդական զինակցությունը զրկատող ռեժիմ Պոլս ժողովրդական զրույցի գրառումն ու հրապարակումը դրա մի վառ վկայությունն էր։

Թուրքական կառավարությունն զգում էր հայ-քրդական համագործակցության վտանգը և եռանդով ձեռնամուխ եղավ քրդական շարժումները հայ ժողովրդի դեմ ուղղելուն։ Մանավանդ, որ հայ և քուրդ աշխատավոր դասերի փոխհարաբերությունները, հիմնականում, բարեկամական էին։ Մեր հարևան նստակյաց քրդերը չէին վնասում մեզ, մենք սիրով էինք ապրում միմյանց հետ, — պատմել էին հայ գաղթականները Բաֆթուն⁵⁹։ Ճեյն քրդերը, որոնք գեղցի երկրագործ են, ոչ միայն անվնաս են և հայոց հետ խիստ սիրով, այլև քան զհայերն առավել հարստահարյալ⁶⁰։ Եվ նրանց հետ հայ ժողովուրդն ապրում էր «եղբոր պես»⁶¹։ Հաճախ ոչ միայն քուրդ, այլև թուրք աշխատավորներն էին հովանավորության տակ առնում իրենց հայ զրացիներին, նրանց պաշտպանում ոստիկանական կամայականություններից⁶²։

Մինչև Ղրիմի պատերազմը և Եզդանշիրի նշանավոր ապստամբությունը, որի դրոշի տակ կռվում էր շուրջ հարյուր հազար զինվոր, Բ. Գուրը քրդերի նկատմամբ, առանձին բացառություններով, վերում էր բռնությունն ու նշլաժանքի իր վաղնջական քաղաքականությունը։ Ապստամբությունը ճնշելուց հետո կտրուկ փոխվեց թուրքական կառավարության դիրքորոշումը քրդերի նկատմամբ և իշխանությունները բռնեցին նրանց սիրաշահելու ուղին։ Բնու-

56 Այլ տեղերում նաև Իրազուլլա, Արեյդուլլա, Ուրեյդուլլա։

57 Տե՛ս ԲԱՔԱ, ֆ. Կոստանդնուպոլսի զեսպանություն, 1881, գ. 1567, թ. 21—22։

58 Տե՛ս «Դիվան հայոց պատմության», հ. ԺԳ, էջ 345—346։

59 Տե՛ս Բաֆթի, Երկերի ժողովածու, հ. 8, Երևան, 1957, էջ 509։

60 «Դիվան հայոց պատմության», հ. ԺԳ էջ, 90։ Նաև ԲԱՔԱ, ֆ. Կոստանդնուպոլսի զեսպանություն, 1837, գ. 1573, թ. 5։

61 «Դիվան հայոց պատմության», ԺԳ, էջ 255։

62 Տե՛ս Սմբատ Բյուրառ, Արյունին ճամբուն վրա, Կ. Պոլիս, 1911, էջ 15 և ալլուր։

լինի կոնգրեսից հետո Բ. Գուլը ղավադարարը հայկական բարենորոգումներին հակադրեց քրդական հարցը:

Քուրբական կառավարությունը ոչ միայն խանգարեց քրդերին հասկանալու, որ հայկական նահանգներում բարենորոգումների կենսագործումը օգտավետ է և քրդերին, այլև կարողացավ քրդական առաջնորդներին համոզել հակառակելու Քուրդ ցեղապետ Հուսեյն աղան Ա. Քոխմախյանի հետ ունեցած զրույցում ասում էր, որ հայկական բարենորոգումների հարցը երևան գալուց հետո թուրքերը բարեկամացել են քրդերի հետ և իրենց ձեռքով ցանկանում են Օսմանյան երկիրը սրբել հայերից: Այդ նպատակով շատ մեծ գաղտնի աշխատություններ են եղել և լինում են»⁶³:

1877—1878 թթ. ռուս-թուրքական պատերազմի ժամանակ կառավարության կողմից քրդերին բաժանված նոր սխտեմի քսան հազար հրացանը, պատերազմից հետո հատուկ դիտավորությամբ նրանցից չհավաքվեց, որը և ողբերգական նշանակություն ունեցավ հայ ժողովրդի համար: Սակայն քրդական առանձին առաջնորդներ հասկանում էին կառավարության քաղաքականության զեթ իրենց համար վտանգավոր կողմերը և երբեմն զգուշանում Բ. Գուլն թելադրանքով կատարվող ջարդերի ու հարստահարությունների ահավոր շափերից, երբեմն էլ նույնիսկ դիմադրում կառավարության հայաջինջ քաղաքականությանը: Գերսիում ռուս-թուրքական պատերազմի օրերին ստեղծվեց նույնիսկ թուրք կառավարողների դեմ ուղղված հայ-քրդական զինական դաշինք: Ու թեպետ կարճատև, բայց միացյալ ճակատ ստեղծվեց թուրքական զորքերի դեմ⁶⁴: Առհասարակ պատերազմի նկատմամբ Գերսիմի քրդերը շեղոք դիրք բռնեցին, թեպետ խիստ թշնամաբար էին տրամադրված թուրքական իշխանությունների նկատմամբ:

1878 թ. հոկտեմբերին սկսվեց թուրքական կառավարության զեմ տակավին 40-ական թվականներին ապստամբած Բեկրիսանի որդիների՝ Հուսեյին և Օսման բեյերի զլխավորած քրդական շարժումը, որին անմիջապես հաջորդեց շեյխ Օրեյդուլլայի՝ 1880 թ. ազատ «Թուրքիստանի» լոզունգով բարձրացրած ապստամբությունը⁶⁵: Բ. Գուլն ջանքերով, սակայն, այն իր սուր ծայրերով, ուղղվեց Վասպուրականի քրիստոնյա ազգաբնակչության ու հարևան Պարսկաստանի դեմ: Բայց Օրեյդուլլան զեմ էր քրիստոնյա ազգաբնակչության զանգվածային ոչնչացման մասին կառավարությունից ստացած հրահանգների կատարմանը:

Այդ օրերին Մ. Նրիմյանն ահով գրում էր, որ կառավարության զրդումով քրդական մի միություն է կազմակերպվում, որն սպառնում է անդամալուծել Հայկական հարցը, զրան հակադրելով քրդականը և որ Քուրբխյում քրդական օջախ կազմելու նպատակով ամենավայրագ զործողություններ են ծավալվում Աղբակը հայտնափնելու ուղղությամբ⁶⁶:

1880 թ. հուլիսի վերջերին Շամդինանում հրավիրված շեյխերի համաժողովում, ուր բննարկվում էր թուրքական կառավարության զեմ ապստամբելու և անկախ Քուրդիստան ստեղծելու հարցը, պատասխանելով մի խումբ

63 Ա. Քոխմախյան, Մասիս լեռան հարավային ստորոտներ, էջ 51:

64 ՏՃ՝ Ա. Վ. Պարսամյան, Հայ ժողովրդի պատմություն, հ. III, էջ 291—292:

65 «Թուրքիստան» անվան տակ քրդական առաջնորդները հասկանում էին, իհարկե, նաև Արևմտյան Հայաստանի մի զգալի մասը, հատկապես Տարսն-Վասպուրականը:

66 ՏՃ՝ ԱճԻ, Քուրբահայ հեղափոխության գաղափարաբանությունը, հ. 2, էջ 120:

շեյխերի՝ քրիստոնյաներին բնաջնջելու մասին առաջարկներին, Օրեյդուլյան բացատրում էր, որ եթե մինչ այդ Բ. Դուռն օգնում էր բոլոր քրդերին, ապա այդ արվում էր նրանց քրիստոնեական տարրերին հակադրելու նպատակով, և եթե «Անատոլիայում» այլևս հայեր չլինեն, այն ժամանակ քրդերը թուրքական կառավարության աչքում կկորցնեն իրենց նշանակությունը։ Քրիստոնյաներին ջարդելու առաջարկը մերժվում է⁶⁷։

4. Պոլիս գնացած բազմամիլիոն դիմումները, օտարերկրյա ղեկավաններ միջամտությունը և Օրեյդուլյայի Պարսկաստան կատարած արշավանքի պատճառով պարսկական կառավարության պաշտոնական բողոքն ու պահանջը՝ Օրեյդուլյային դատելու համար իրեն հանձնելու մասին, ստիպեցին Բ. Դուռնը շեյխին հրավիրել մայրաքաղաք։ Սկզբում նա երկմտում էր, վախենալով Բ. Դուռն դավերից։ Վերջապես Օրեյդուլյային շլացնող խաբկանքով 4. Պոլիս տարան, ուր 1881 թ. հուլիսին արքայավայել ընդունելություն ցույց տալով, մոտ մեկ տարի պահեցին այնտեղ և հայերին ջարդելու մասին մանրամասն հրահանգավորելուց հետո, խնամքով նախապատրաստեցին իրր վաճառականի անվան տակ թանկված, նրա «զաղտնի փախուստը» ղեպի Շամդինան։ Սակայն վերադարձից անմիջապես հետո նա փութով բացատրում և պատմիրում էր «...իր մարդոց, որ հայոց հետ լավ վարվեն և թե քուրդերուն հայոց հետ թշնամաբար վարվիլը մինչև այժմ սխալ քաղաքականությամբ եղած է»⁶⁸։

Օրեյդուլյան գուցե վերստին մտորում էր ազատ «Թուրքիստանի» համար պայքարի նոր ծրագրեր, բայց 1882 թ. վերջերին նա ձեռքակալվում և 1883 թ. Բ. Դուռն ցուցումով սպանվում է արսորի ճանապարհին։

Քրդերի հետ դաշնակցելուն ամեն կերպ խանդարում էին և թուրք կառավարողները։ Հայ-քրդական դաշնակցության ստեղծմանը չկարողացան նպաստել իրիմյանի, Հայկ Մելիք-Դադյանի, Փիլիկ Քելչյանի և այլոց անձերվեր գործունեությունը։ Ուրիշ չափեցին նաև Հակոբ Տեր-Ղևոնդյանի և ժամանակի մյուս գործիչների այդ ուղղությամբ ձեռնարկած քայլերը։

Քրդական որոշ գործիչներ միայն XIX դարի վերջերին սկսեցին արժարժել Հայ-քրդական դաշինքի հարցը։

Միասնական սյալքարի գործնական ծրագրեր չմշակվեցին նաև արաբ գործիչների հետ, որոնց կողմից հայ-արաբական դաշնակցության ծրագրային փաստաթղթերը ասպարեզ եկան շատ ավելի ուշ։ Հայ գործիչներին մշուշոտ երևաց հույն հայրենասերների հակաթուրքական գործունեությունը։ Ժամանակին գործնական քայլեր չարվեցին նաև բուլղար հեղափոխականների հետ համերաշխվելու ուղղությամբ, որոնց պայքարի ծրագրերում, որպես կարեւոր գործոն, մատնանշվում էր դաշինքի անհրաժեշտությունը թուրքական լուծը թոթափելու հետամուտ մյուս ժողովուրդների հետ⁶⁹։ Մանավանդ, որ 60-ական թվականների վերջերին, 70-ականի սկզբներին Փոքր Ասիա արսորված բուլղար հեղափոխականները նշանակալի դեր էին խաղացել արև-

67 Տե՛ս Կ. Ս. Կամսարան, Вторжение шейха Обейд-Уллы в Персию в 1880 г. «Сборник материалов по Азии», вып. IX, СПб., 1884, стр. 35; նաև Карцов, Заметки о курдах, Тифлис, 1896, стр. 18.

68 «Մշակ», 1882, № 216.

69 Տե՛ս Стоянов, Записки о болгарских восстаниях, М., 1953, стр. 80.

մրտահայ ազատագրական շարժման առաջամարտիկներին զաղափարական ձեվավորման գործում⁷⁰։

Պայքարի իրենց դեզերումներում հայ գործիչները թեպետ նշմարեցին, բայց չկարողացան գործնականորեն հասնել հարստահարվող մյուս ժողովուրդների հետ համընդհանուր ճակատ կազմելուն։ Ավելին, թուրքական իշխանություններին հաջողվեց հայ ազատագրական շարժմանը հակադրել, նրա դեմ հանել քրդական որոշ ցեղապետերի։

Այսպիսով, արևմտահայ ազգային-ազատագրական շարժումը մեկուսացած մնալով դրացի բուրդ, ասորի, հույն, արաբ ժողովուրդների պայքարից, չկարողացավ դուրս գալ համընդհանուր շարժման մայրուղի։

5. ԱԶԳԱՅԻՆ-ԱԶՏԱՍԳՐԱԿԱՆ ՇԱՐՃՈՒՄՆԵՐԻ ՀԱՐՑԸ ՀԱՅ ՀԱՍԱՐԱԿԱԿԱՆ ՄՏՔԻ ԳՆԱՀԱՏՄԱՄԲ

XIX դարի 70—80-ական թվականներին իր վերելքը թևակոխած հայ ազատագրական շարժումների զաղափարախոսության առանցքը զինված պայքարի, մեծ տերությունների նկատմամբ կողմնորոշման, ազատագրական շարժման սոցիալական բովանդակության ու նրանց առնչության հարցն էր։ Դեմոկրատական ուղղության գործիչները, այդ թվում նաև նրանց հարողներն արևմտահայ ժողովրդի փրկությունը տեսնում էին թուրքական լծի դեմ բալկանյան ժողովուրդների նման ըմբոստանալու, իրենց ազատությունը զինված պայքարով նվաճելու զաղափարի մեջ։

Դատապարտելով Թուրքիայում «հավատարիմ հպատակի» ստրկամիտ քարոզը, նրանք հանդես էին գալիս խնկամանը վառողամանով փոխարինելու (Ստ. Ոսկանյան), ազատությունը սրով ձեռք բերելու և պաշտպանելու (Բաֆ-Ֆի) կոչերով։ Դեռ 60-ական թվականներին հայ ժողովրդին ազատագրական պայքարի էր կոչում «Արծփի Վասպուրականը», Բեռլինի կոնգրեսից հետո, նրա խմբագիր Մկրտիչ Խրիմյանը զայրույթով նշավակում էր օտար լուծը հեղությանը տանող, չորհրդող ու չապստամբող հայ ժողովրդին, ապա զենքի ու ըմբոստության կոչում նրան. «...Դեռ պիտի կոտորվիք, դեռ պիտի մորթվիք... քանի որ անգլեն, անեղջուր, անասպար կապրիք»⁷¹։

Մերկացնելով մեծ տերությունների զավթողական քաղաքականությունը, հայ ժողովրդի ազատագրումը զինված պայքարի անհրաժեշտության հետ էր կապում և Մ. Մամուրյանը, իսկ Գր. Զիլինկիրյանը խոսում էր հայրենիքի համար արյուն թափելու առաքինության մասին։ Ժամանակի հրաշունչ ոգին մարմնավորեց Մ. Պեչիկթաշլյանը, Վ. Հյուզդոյի «Հույն տղան» բանաստեղծության նմանողությամբ գրած իր «Հայ քաջորդուն», «Կուզեմ վառող և զնդակներ» ստեղծագործություններով։ Պ. Դուրյանի թախծոտ ու քնարական ոգին հայրենիքին օգնելու տենչով էր բաբախում, իսկ Հ. Պարոնյանն արգեն այդ օգնության ուղիներն էր նշմարում, որոնք անցնել չէր կարելի ոչ եվրոպական դիվանագիտության սարդոստայնի վրայով, ոչ էլ լացով, քանզի «արտասուքը մանուկներու և կիներու (մեծ մանուկներու) բաժինն է»։ Անգամ ազգային-պաշտպանողական Կ. Շահնազարյանը փափագում էր, որ յուր

70 Տե՛ս Տիգրան Մկուռցի. Ամիդայի արձագանքներ, Ելու-Ցորք, 1950, էջ 192, 197։

71 Մ. Խրիմյան. Ամբողջական երկեր, էջ 275։